


# Caritas

Osobe sa  
invaliditetom

Naše zajedničko putovanje





# Caritas Misija

## **Šta je misija?**

Misija je tekst.

U tom tekstu stoje misli, zahtjevi i ideje.

Misija je ideja vodilja koja opisuje čime se bavi Caritas Becke nadbiskupije.

Mi se svi vodimo tom misijom.

Misija se bavi temama osoba sa invaliditetom.

## **Ko je napisao nasu misiju?**

Nasu misiju su zajedničkim trudom napisali mnogi ljudi iz Caritasa Becke nadbiskupije.

U tom radu su učestvovala i osobe sa invaliditetom.

Učestvovali su i zaposleni Caritasa.

U misiji stoji to što nam je svima važno.

# Caritas Misija

## **Mi ovom misijom želimo ukazati na to**

- koja prava imaju osobe sa invaliditetom
- kako se Caritas zalaže za osobe sa invaliditetom
- šta Caritas nudi osobama sa invaliditetom
- koje dužnosti Caritas preuzima na sebe
- šta Caritas zahtjeva za osobe sa invaliditetom

Konvencija UN o pravima  
osoba sa invaliditetom  
i hrišćanski humanistički stav  
čine važnu osnovu naše vizije.

## **Kome je namijenjena misija?**

Misija se obraća

- osobama sa invaliditetom
- zaposlenima u Caritasu
- prijateljima i prijateljicama, rodbini,  
pravnim zastupnicima
- ustanovama, službama, političarkama i političarima

## 6 dijelova nase misije

Slika misije sastoji se iz 6 dijelova.

Svaki dio je druge boje.

Svaki dio odnosi se na jednu važnu temu.

Znak Caritasove misije je svjetionik.



### Ovo su nazivi svih 6 dijelova:

- **Ometen je onaj koga ometaju.**

**Boja ovog dijela je plava.**



- **I ja sudjelujem.**

**Boja ovog dijela je zelena.**



- **Na to imam pravo.**

**Boja ovog dijela je ljubičasta.**



- **Ja to mogu.**

**Boja ovog dijela je crvena.**



- **Sasvim osobno.**

**Boja ovog dijela je narandžasta.**



- **Živjeti samo samostalno.**

**Boja ovog dijela je žuta.**



Ometen je onaj  
koga ometaju.



# Ometen je onaj koga ometaju.



## Šta ovo znači?

Osobe sa invaliditetom žele voditi svoj život neometano.



Osobe sa invaliditetom susreću se svakodnevno sa mnogim preprekama.

Prepreke su na primjer:

- Stepenice u zgradama
- Nerazumljiv jezik
- Predrasude
- Loše saobraćajne veze
- Teško čitljive internet stranice
- Neobaziranje na potrebe osoba sa invaliditetom
- i još mnogo toga

# Ometen je onaj koga ometaju.



## Šta mi radimo? Šta mi želimo?

Mi želimo da se prepreke uklone.

Mi slušamo osobe sa invaliditetom.


One nam ukazuju na to gdje još postoje prepreke.

Zajednički radimo na tome da uočimo prepreke.

Zajednički radimo na tome da uklonimo prepreke.

Nekoliko važnih primjera:

- Osobe u invalidskim kolicima moraju se svugdje moći kretati bez poteškoća.
- Ono što Caritas piše, treba biti razumljivo svima.
- Zaposleni koriste piktograme, fotografije ili znakovni jezik.





**Zalažemo se za uklanjanje prepreka  
u javnom prostoru i društvu.**



**I ja sudjelujem.**



# I ja sudjelujem.



## Šta ovo znači?

Osobe sa invaliditetom  
treba da mogu biti prisutne svuda.



Osobe sa invaliditetom  
ne smiju biti isključivane.

# I ja sudjelujem.




## Šta mi radimo? Šta mi želimo?

Mi želimo da svaki čovjek može sebi kreirati svoj svijet.

Pomažemo osobama sa invaliditetom, na primjer:

- u prodavnici, pri kupovini
- u posjeti restoranu
- u slobodnim aktivnostima i manifestacijama
- pri kontaktu sa porodicom i prijateljima
- pri kontaktu sa susjedima
- pri kontaktu sa udruženjima i klubovima
- u učestvovanju na vjerskim skupovima
- u učenju i obrazovanju
- u potrazi za poslom
- u još mnogo drugih situacija



## **Mi se zalažemo za to,**

- da ima dovoljno radnih mjesta za osobe sa invaliditetom
- da osobe sa invaliditetom mogu biti prisutne svuda
- da postoje zajednička zabavišta, škole i poslijepodneveni boravak za djecu i omladinu sa i bez invaliditeta



**Na to imam pravo.**





# Na to imam pravo. §



## Šta ovo znači?

Osobe sa invaliditetom imaju ista prava kao i svi ostali ljudi.



Osobe sa invaliditetom imaju pravo na zaštitu i sigurnost.

Djeca i omladina sa invaliditetom treba da mogu odrastati sa svojim porodicama.

# Na to imam pravo. §

## Šta mi radimo? Šta mi želimo?

Mi želimo da se svi ljudi odnose jedni prema drugima sa pažnjom i poštovanjem.



Mi pomažemo osobama sa invaliditetom da se upoznaju sa svojim pravima.

Osobe sa invaliditetom učestvuju u odlučivanju.

Predstavnice i predstavnici zastupaju interese svojih kolega i kolegica na radnom mjestu i u mjestu stanovanja.

Stvaramo okolinu u kojoj se spriječava nasilje i ugnjetavanje. Posebnu pažnju obraćamo na nenasilno ponašanje. Pomažemo ljudima da se brane od nepravde.

Pomažemo porodicama da budu u stanju da odgajaju svoju djecu kod kuće.





## **Mi se zalažemo za to,**

da osobe sa invaliditetom

- doživotno dobijaju ponude za obrazovanje
- dobijaju pomoć i pomoćna sredstva
- budu pravedno nagrađivane za svoj rad
- dobijaju kvalitetnu medicinsku i terapeutsku njegu
- mogu ići u penziju



da osobe sa invaliditetom

žive u okruženju

u kome se podstiče zajednički život bez nasilja

da djeca i omladina

sa invaliditetom i njihove porodice dobijaju dovoljno pomoći.

**Ja to mogu.**



Ja to mogu. 



**Šta ovo znači?**

Osobe sa invaliditetom  
imaju prednosti i sposobnosti.



Osobe sa invaliditetom  
imaju želje i ciljeve.

Osobe sa invaliditetom  
žele i mogu preuzeti odgovornost.

# Ja to mogu.

## **Šta mi radimo? Šta mi želimo?**

Uočavamo naše različite prednosti i sposobnosti i koristimo ih.

Ukazujemo povjerenje osobama sa invaliditetom.

Pomažemo osobama sa invaliditetom da preuzmu odgovornost.

Stvaramo mogućnosti za osobe sa invaliditetom da mogu razviti svoje prednosti i sposobnosti i koristiti ih.

Pitamo osobe sa invaliditetom kako vide svoju budućnost. U tome im pružamo podršku koja im je potrebna i koju žele. Dajemo im savjete i prijedloge.

Pružamo potporu osobama sa invaliditetom u ostvarivanju njihovih ciljeva.



## **Mi se zalažemo za to,**

- da se osobama sa invaliditetom pruža dovoljno pomoći
- da osobe sa invaliditetom budu priznate u društvu
- da mediji prikazuju osobe sa invaliditetom kao jednako vrijedne





**Sasvim osobno.**



# Sasvim osobno.



## Šta ovo znači?

Osobe sa invaliditetom imaju pravo na privatn život i intimnost.



Osobe sa invaliditetom imaju pravo na seksualnost.


Osobe sa invaliditetom imaju pravo na partnerstvo i mogućnost roditeljstva.

Osobe sa invaliditetom imaju pravo na zaštitu privatnosti podataka.

# Sasvim osobno.

## **Šta mi radimo? Šta mi želimo?**

Mi uvažavamo činjenicu da svaki čovjek ima potrebu za svojom privatnošću.



Svaki stanar i stanarka mogu imati prostoriju samo za sebe.  
Zaposleni poštuju taj privatni prostor.

Prilikom njege, uzimamo u obzir različite potrebe djece, omladine, žena i muškaraca.  
Pri tome obraćamo pažnju na porijeklo i životne stavove.

Prilikom pomoći kod osobne higijene obraćamo pažnju na poštovanje privatnosti.

Važni događaji i informacije se zapisuju.  
Osobe sa invaliditetom znaju šta se zapisuje.  
Osobne informacije zapisuju se samo kada su neophodne zbog bezbjednosti i zdravlja.  
Zaposleni ne prenose ove informacije dalje.






Pomažemo osobama sa invaliditetom u njihovim vezama ili partnerstvu. Obraćamo pažnju na to da osobe sa invaliditetom mogu zivjeti svoju seksualnost. Sve osobe sa invaliditetom dobijaju seksualno-pedagošku podršku i pomoć koja im je potrebna. Pri tom uzimamo u obzir njihovu starost i uvjerenja. Savjetujemo, pomažemo i pružamo podršku osobama sa invaliditetom u trudnoći i kada postanu roditelji.

### **Mi se zalažemo za to,**


- da osobni podaci osoba sa invaliditetom budu zaštićeni
- da ustanove i službe poštuju privatnost osoba sa invaliditetom
- da osobe sa invaliditetom dobiju pomoć kada postanu roditelji



**Živjeti  
samostalno.**



# Živjeti samostalno.



## Šta ovo znači?

Osobe sa invaliditetom  
žele same odlučivati  
o tome kako će živjeti.




Osobe sa invaliditetom imaju pravo  
na samostalan život.

# Živjeti samostalno.



## Šta mi radimo? Šta mi želimo?

Postoji mnogo različitih životnih puteva. Svaki čovjek može sam kreirati svoj životni put.



Mi nudimo


- razne mogućnosti stanovanja
- razna radna mjesta
- razne slobodne i rekreativne aktivnosti
- različite mogućnosti obrazovanja

Primjeri mogućnosti izbora koje nudimo

- kod jela i pića
- kod garderobe
- na izletima
- i još mnogo toga

Osobe sa invaliditetom mogu odlučivati


- gdje i kako će stanovati
- gdje i kako će biti zaposleni
- gdje i kako će provoditi svoje slobodno vrijeme
- kako će živjeti sa svojom vjerom



Pomažemo osobama sa invaliditetom u njihovim odlukama.  
Ponekad osobama sa invaliditetom treba pomoć pri donošenju odluka,  
da ne bi štetili sebi i drugima.

### **Mi se zalažemo za to,**

- da postoji dovoljna i raznovrsna ponuda za osobe sa invaliditetom
- da osobe sa invaliditetom mogu same odlučivati gdje i kako će stanovati
- da osobe sa invaliditetom mogu same odlučivati gdje i kako će biti zaposlene
- da osobe sa invaliditetom imaju dovoljno ponuđenih izbora za mogućnosti obrazovanja
- da osobe sa invaliditetom imaju dovoljno ponuđenih izbora u slobodnim i rekreativnim aktivnostima



## Mi kažemo:

Normalno je biti drugačiji.  
Odgovornost za to  
da se Vizija ostvaruje,  
snosimo svi zajedno.



Msgr. DDr. Michael Landau,  
Caritasdirektor



Jochen Mord,  
Interessenvertreter Region Retz



Dr. Werner Binnenstein-Bachstein,  
Geschäftsführer



Claudia Platteter,  
Interessenvertreterin Region NÖ Süd



Mag. Alex Bodmann,  
Geschäftsführer



Richard Prisching,  
Interessenvertreter  
Region Wien Süd/West



Mag.<sup>a</sup> Sonja Weiklstorfer,  
Leiterin Bereich  
Menschen mit Behinderung



Thomas Roth,  
Interessenvertreter  
Kinder- und Jugendeinrichtung



René Gnan,  
Interessenvertreter  
Region Wien Nord/Ost



Nathalie Schreiber,  
Interessenvertreterin  
Region Hollabrunn/Laa

**Impressum:**

Caritas der Erzdiözese Wien  
Caritas Menschen mit Behinderung  
A-1160 Wien, Albrechtskreithgasse 19-21  
[www.caritas-wien.at](http://www.caritas-wien.at)

Redaktion: Sonja Weiklstorfer  
Fotos: Reinhard Müller, Stefanie Steindl, Portrait Michael Landau: [www.wilke.at](http://www.wilke.at)  
Layout: Harald Gach, Friederike Wallig